

Канон преподобному Кириллу Белоезерскому

Память празднуем 9 (22) июня

Тропарь, глас 1-й

Яко крин, в пустыни давидски процвел еси, отче Кирилле, злострастия терние искореняя, и собрал еси в ней ученик множество, страхом Божиим и учением твоим наставляемых, ихже и до конца, яко чадолюбивый отец, не оставил еси, посещая, да вси вопием: слава Давшему ти крепость, слава Венчавшему тя, слава Действующему тобою всем исцеления.

Канон, глас 6-й

Песнь 1

Ирмос: Яко по сѹху, пешешествовав Израиль по бѣдне стопами, гонителя фараона видя потопляема, Богу побѣдную песнь поим, вопияше.

Припев: Преподобне отче наш Кирилле, моли Бога о нас.

Прекрасная лоза винограда Христова был еси, премудре Кирилле, и грозд пресладкий явился еси, Божественную сладость верным источаеши, блаженне, купно же и радование поющим тя.

Преподобне отче наш Кирилле, моли Бога о нас.

Отче Кирилле, не терпя враг, в начале твоего жития бурю воздвиге, дрѣвом напрасно хотя умертвити тебе, аще не бы Божественный глас возгласил тя, Богомудре.

Слава: Христа, нас ради смирившагося, подражав и крест твой взем, преподобне, Того стопам последовал еси, всяко мирское пристрастие от тебе оттрясл еси, пребогате.

И ныне: Во двою естеству Един от Святыя Троицы, от чистых кровей Твоих воплотися, боголепно пройде, яже от Адама спасаая, Пречистая, благостию.

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Преподобне отче наш Кирилле, моли Бога о нас.

Аще и в мире сущая, отче, преобидел еси, но тамо премирная и нетленная стяжал еси, идеже глас празднующих и райское наслаждение.

Преподобне отче наш Кирилле, моли Бога о нас.

Льстивый враг хотя тебе пакость сотворити, преподобне, лукавыя человеки на тя вооружает, тебе же приразився, постыдеса, Христу бо ты соблюдающе.

Слава: Уже преславное твое житие всюду, преподобне, прославляется, и чудеса твоя в концех проповедаются, темже, в память твою сошедшеса, почитаем тя.

И ныне: Плоти брэнней соединился, Иже от Отца Единородный, в ложеснах

Твоих, Един от двою пройде без ислѣния и соблюде невредимо дѣвство Твое, Всепѣтая.

Господи, помилуй (трижды).

Седален, глас 4-й

Приспѣ праздник честнаго твоего успѣния, блаженне Кирилле, просвещая всех празднующих память твою светло и Христа непрестанно пѣснями всегда славящих.

Слава, и ныне: Иже на престоле Херувимстем седяи и в недрах Отчих водворяяся яко на престоле святем седиши Своём, Владычице, в недрах Твоих; воплощен бо Бог воистинну, воцарися над всеми языки, и разумно ныне поим Ему, Егоче умоли спастися рабом Твоим.

Песнь 4

Ирмос: Христос моя сила, Бог и Господь, Честная Церковь, Боголепно поет, взываючи, от смысла чиста о Господе празднующи.

Преподобне отче наш Кирилле, моли Бога о нас.

Отче преподобне, сна твоима очима не дал еси, ни веждама дремания, дондеже сподобился еси видети праведных селения, яже уготова Бог любящим Его (дважды).

Слава: Уже не кому врази, ниже человецы лукавии, могут к тебе приблизиться, Кирилле преподобне: видеша бо благодать Божию, тебе всегда соблюдающую.

И ныне: На Тя упование мое возложих, Мати Приснодево, спасения моего и Тя Предстательницу имею живота моего, тверду же и непоколебиму.

Песнь 5

Ирмос: Божиим светом Твоим, Блаже, утренующих Ти души любовью озари, молюся, Тя ведети, Слове Божий, истиннаго Бога, от мрака греховнаго взывающа.

Преподобне отче наш Кирилле, моли Бога о нас.

Изрядно твое житие в послѣдния роды и преславно явися, чудеса же твоя всюду верным излияшася. Темже ты вси, отче, убожаем.

Преподобне отче наш Кирилле, моли Бога о нас.

Райския доброты желая, преподобне Кирилле, и той ради в слезах и воздыханиих, бдениих же и молитвах твою жизнь препроводил еси и отгуду наследил еси желаемое тебе блаженство.

Слава: Пресветлый твой праздник, отче, благочестно празднующим подавай свыше спасение и избавление, да ты вси, блаженне Кирилле, непрестанно воспеваем.

И ныне: Людем яко воистинну тихое пристанище Христос Тебе яви, верою и любовью Тя, истинную Владычицу, Всенепорочная, от совести чисты Богородицу исповедающим.

Песнь 6

Ирмос: Ят бысть, но не удержан в персех китовых Иона: Твой бо образ нося, страдавшаго и погребенію давшагося, яко от чертога, от зверя изыде. Приглашаше же кустодии: хранящии суетная и ложная, милость сию оставили есте.

Преподобне отче наш Кирилле, моли Бога о нас.

Владыку ум поставил еси над страстьми телесными, блаженне, темже и Пресвятаго Духа селение, Богоносе, был еси. Егоче моли и нас свободити от страстей, да ты

почита́ем.

Преподо́бне о́тче наш Кири́лле, моли́ Бо́га о нас.

Яко победи́в ве́ка сего́ кня́зя тьмы, возше́л еси́ к Небе́сным, победы́ вене́ц нося́ от вседержи́тельных ру́ки Бо́га на́шего, моли́ от бед спасти́ся тебе́ почита́ющим.

Слава: Плотско́е мудрова́ние, е́же на земли́, о́тче, умертви́л еси́ и на Небесе́х жити́е стяжа́л еси́, иде́же святы́х ду́си ра́дуются, пою́ще с тобо́ю Влады́ку твоего́.

И ны́не: Пречи́стая Влады́чице, ро́ждшая челове́ком ко́рмчию и Го́спода, страсте́й моих непостоя́нное и лю́тое отжени́ смущение́ и ти́шину пода́ждь се́рдцу моему́.

Господи, помилуй (трижды). Слава, и ны́не:

Кондак, глас 8-й

Яко преоби́дев тле́нная и до́лу влеку́щая мудрова́ния, о́тче, к Вы́шнему течению́ ра́достно устреми́лся еси́, и та́мо со святы́ми Пресвяте́й Тро́ице предсто́я, моли́ от враг сохра́ниться ста́ду твоему́, я́ко да свято́е твоё успе́ние пра́зднующе, вопие́м: ра́дуйся, преблаже́нне Кири́лле, о́тче наш.

Икос

Аще и челове́к, о́тче, был еси́ по естеству́, но па́че челове́ка жити́е соверши́л еси́: вся бо, я́же в ми́ре сла́дкая и кра́сная, преоби́дев, последовал еси́ Христу́. Те́мже и от всех слы́шиши: ра́дуйся, я́ко, Пречи́стою наставляе́мь, пусты́ню дости́гл еси́. Ра́дуйся, я́ко в той прече́стен храм Бо́жии Ма́тери воздви́гнувый; ра́дуйся, я́ко в нем Бог прославля́ется. Ра́дуйся, собра́вый та́мо учени́к мно́жество; ра́дуйся, я́ко с те́ми приле́жно Го́сподеву рабо́тал еси́. Ра́дуйся, удиви́вый Ангелы́ житие́м твои́м; ра́дуйся, я́ко тобо́ю челове́цы пользова́шася. Ра́дуйся, я́же чудесе́ всех удиви́вый; ра́дуйся, преше́дый от земны́х на Небе́сная. Ра́дуйся, я́ко, Тро́ице предсто́я, о нас мо́лишися; ра́дуйся, исто́чнице чуде́с неисчерпа́емый. Ра́дуйся, ве́рных плённик изба́вителю; ра́дуйся, преблаже́нне Кири́лле, о́тче наш.

Песнь 7

Ирмос: Росода́тельную у́бо печь соде́ла Ангел преподо́бным отро́ком, халде́и же опаля́ющее веление́ Бо́жие мучи́теля увеща́ вопи́ти: благослове́н еси́, Бо́же о́тец на́ших.

Преподо́бне о́тче наш Кири́лле, моли́ Бо́га о нас.

Очи́стив от страсте́й, преподо́бне о́тче, ум твой, и Вседержи́телю с преподо́бных ли́ки и пра́ведных предсто́я, всегда́ вопие́ши: благослове́н Бог о́тец на́ших.

Преподо́бне о́тче наш Кири́лле, моли́ Бо́га о нас.

Врач преизря́дный ми́ру яви́лся еси́, блаже́нне, исцеля́я всех, ве́рою притека́ющих ко хра́му твоему́ свято́му и Христу́ от души́ вопию́щих непреста́нно: благослове́н Бог о́тец на́ших.

Слава: Постом и воздержани́ем лице́ твоё украси́л еси́, преподо́бне, светле́йши наипа́че яви́лся еси́ много́различными бра́шны пита́ющихся. Те́мже и Христу́ вопие́ши: благослове́н Бог о́тец на́ших.

И ны́не: Тя, Пресвята́я Ма́ти Присноде́во, позна́хом, земни́и, спасение́, и́бо в не́дрех Отца́ неразлу́чно живы́й из Тебе́ воплоща́ется. Те́мже благослове́на еси́ в род и род.

Песнь 8

Ирмос: Из пламене преподобным росу источил еси и праведнаго жертву водою попалил еси: вся бо твориши, Христе, токмо еже хотети, Ты превозносим во вся веки.

Преподобне отче наш Кирилле, моли Бога о нас.

Гроб, идеже положено бысть честное тело твое, преподобне, освяти всех, к нему притекающих, источник исцеления источая от души Христу вопиющим и превозносящим Его во веки.

Преподобне отче наш Кирилле, моли Бога о нас.

Во время глады, раздробляя, преподобне, нищим хлеб твой, тех алчбу уставил еси, и мене, тающего гланием, Божественных деяний напитай: да возмогу и аз со всеми пети Господа во вся веки.

Слава: Иже с тобою ученицы твои, учению твоему повинующеся, преподобне, земная оставльше, во след тебе к Небесным преидоша и с тобою поют Христу, и превозносят Его во веки.

И ныне: В рождестве болезни избежала еси, Пречистая, и, рождши, паки Девою пребыла еси: вся бо творит Иисус, Бог и Человек, Егоже превозносим во веки.

Песнь 9

Ирмос: Бога человеком невозможно видети, на Негоже не смеют чины Ангельстии взирати, Тобою бо, Всечистая, явися человеком Слово воплощено, Егоже величающе, с Небесными вои Ты убожаем.

Преподобне отче наш Кирилле, моли Бога о нас.

Жития сего непостоянную пучину немятежно прешел еси, преподобне, кормчию Матерь Божию имея, на сие наставляющую тя. Темже и ко пристанищем пристал еси Ангельскаго пребывания.

Преподобне отче наш Кирилле, моли Бога о нас.

Яко зрелая и чистейшая пшеница, кроме всех злых плевел, в Небесных житницах соблюлся еси, преподобне, хлеб сладкий желая принестися Небесному Царю, Егоже ради вся в мире преобидел еси.

Слава: Великим отцем, древле в постех и подвигах просиявшим, подобяся, отче, вся дни жизни твоея во слезах и трудах препроводил еси, дондеже достигл еси блаженную кончину, юже и они наследоваша.

И ныне: Сына Безлетна, от Отца возсиявша, Ты, во утробе несказанно зачавши, родила еси, Богомати Чистая Дево, моли непрестанно о рабах Твоих Того, яко Человеколюбца Бога, спасти род наш.